

Na osnovu čl. 135. stav (3) i 137. st. (1), (2) i (10) Zakona o visokom obrazovanju ("Službene novine Kantona Sarajevo", broj: 33/17), čl. 104. stav (2), 107. stav (1), 110. i 111. st. (1), (2) i (3) Statuta Univerziteta u Sarajevu (broj: 01-1093-3-1/18 od 28.11.2018. godine) i Odluke Vijeća Fakulteta islamskih nauka Univerziteta u Sarajevu (broj: 03-03-29-149-/19 od 13.02.2019. godine), Vijeće Fakulteta islamskih nauka Univerziteta u Sarajevu, objavljuje

JAVNI KONKURS
za izbor dekana (rukovodioca organizacione jedinice)
Fakulteta islamskih nauka Univerziteta u Sarajevu
za mandatni period 2019 – 2023.

I

Za dekana (rukovodioca organizacione jedinice) Fakulteta islamskih nauka Univerziteta u Sarajevu može biti izabran kandidat koji treba da ispunjava sljedeće uvjete:

1. da je u radnom odnosu sa punim radnim vremenom na Fakultetu islamskih nauka Univerziteta u Sarajevu;
2. da je iz reda akademskog osoblja izabranog u naučnonastavno zvanje redovni profesor, vanredni profesor ili docent;
3. da redovni profesor ispunjava obavezu utvrđenu u članu 94. stav (1) alineja g) Zakona o visokom obrazovanju;
4. da nije predsjednik ili član Upravnog odbora Univerziteta u Sarajevu, odnosno Fakulteta islamskih nauka Univerziteta u Sarajevu;
5. da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
6. da nije osuđivan za krivično djelo ili da se protiv istog ne vodi krivični postupak.

Dekan (rukovodilac organizacione jedinice) se bira na mandatni period od četiri godine, sa mogućnošću još jednog uzastopnog izbora.

II

Uz prijavu na javni konkurs zainteresirani kandidati dužni su priložiti:

1. Biografiju (CV) sa bibliografijom;
2. Opis naučnog i stručnog rada;
3. Program rada za mandatni period (štampana i elektronska forma);
4. Odluku o izboru u naučnonastavno zvanje redovnog profesora, vanrednog profesora ili docenta (posljednji izbor u naučnonastavno zvanje) na Fakultetu islamskih nauka Univerziteta u Sarajevu;
5. Potvrdu da je u radnom odnosu s punim radnim vremenom na Fakultetu islamskih nauka Univerziteta u Sarajevu;
6. Potpisane i ovjerene izjave od strane nadležne općinske službe ili notara, kojima kandidat potvrđuje:
 - a) da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;

- b) da nije predsjednik ili član Upravnog odbora Univerziteta u Sarajevu, odnosno Fakulteta islamskih nauka Univerziteta u Sarajevu;
- c) da uredno ispunjava obaveze utvrđene članom 94. stav (1) alineja g) Zakona o visokom obrazovanju (odnosi se samo za kandidate u naučnonastavnom zvanju redovnog profesora).

Kandidati su obavezni potpisati prijavu na konkurs, biografiju sa bibliografijom i program rada za mandatni period.

Kandidati koji ispunjavaju uvjete za izbor dekana (rukovodioca organizacione jedinice), javno će prezentirati ponuđeni program rada na sjednici Vijeća Fakulteta islamskih nauka Univerziteta u Sarajevu.

Kandidat koji bude izabran dužan je dostaviti:

1. Uvjerenje da nije osuđivan za krivično djelo i da se protiv istog ne vodi krivični postupak;
2. Ovjerenu izjavu da se na istog ne odnosi član IX. stav (1) Ustava Bosne i Hercegovine.

III

Konkursna dokumentacija se dostavlja u originalu ili ovjerenoj fotokopiji.

Prijave sa potrebnom dokumentacijom sa naznakom "PRIJAVA NA JAVNI KONKURS ZA IZBOR DEKANA (RUKOVODIOCA ORGANIZACIONE JEDINICE) - NE OTVARAJ, OTVARA KOMISIJA", mogu se dostaviti lično (kancelarija broj: 104) ili preporučenom poštom, u zatvorenoj koverti na adresu: FAKULTET ISLAMSKIH NAUKA UNIVERZITETA U SARAJEVU, Čemerlina 54, 71 000 Sarajevo.

IV

Konkurs se objavljuje u dnevnom listu "Oslobođenje", internet stranicama Fakulteta islamskih nauka Univerziteta u Sarajevu i Univerziteta u Sarajevu.

Rok za prijavu je 15 dana od dana objavljivanja u dnevnom listu "Oslobođenje".

Nepotpune i neblagovremene prijave neće se uzimati u razmatranje.

Konkursna dokumentacija neće se vraćati.

Datum objave u dnevnom listu "Oslobođenje" 20.02.2019. godine.